



სამი დევ-გმირი.



№  
23

1920 წ.

აპრილის 25



სამი დევ-გმირი მოგვადგა, სამივე რუსეთის შველია,  
 დარილის კარს დაეცა მათი საზარი ჩრდილია.  
 მარჯვნივ — ლენინი და მარცხნივ — ტროცკი, სტრატეგეთ ზრდილია.

წინ მოუძღვება ვაჟკაცი ლომგული, მძლავრი, ფრთხილია,  
 არც მიკულას ჰგავს, არც არის იგი მურომის ილია...  
 სამკოთა ქვეყნის რაინდი, წმინდა რუსული ტილია!

# აღსარება.

ვერ დაფიცავ: ხანდახან ლექსს მეც ვწერ ხოლმე, მაგრამ პოეზია ძალიან მიყვარს. ეს ჩემი გრძნობა სიყვარულისა ისე ძლიერია, რომ ლექსის წერას ვერაფერს ჩამითვლის წინად-განზრახულ ბოროტმოქმედებათ. გულწრფელად მოგახსენებთ: როდესაც ვიწყებ ლექსის წერას, ყოველად კეთილი და პატიოსანი ზრახვა მაქვს გულში და მხოლოდ მაშინ ირკვევა, რომ პოეზიის მუზისათვის შეუტაცებელი მიმიყენებია, როცა ვათავებ ხოლმე წერას. ამხსნადავარად, კიდევ რომ მიჩივლოს სასამართლოში ზემოხსენებულმა მუზამ, დარწმუნებული ვარ, ჩვენი ნაფიცი მსაჯულები ასეთ განჩინებას გამოაცხადებენ: მართალია, შეუტაცებელი მიუყენებია, მაგრამ დამნაშავე არ არის.

ეს, ბატონებო, სიტყვამ მოიტანა, თორემ მუზა მე არასოდეს არ მიჩივდებ. აბა თქვენ თითონ გასაჯეთ, როგორ უნდა მოუბრუნდეს ენა ჩემდა საჩივრელად, როდესაც მე, თუნდაც ამ წერილით, მის მოსარჩლეთ და დამცველად გამოვდივარ.

მერე, არ იკითხავთ, ვისგან ვიცავ და ვფარვლობ პოეზიის მუზას?

მაგრამ, სჯობია, დალაგებით მოგახსენოთ საქმის გარემოება.

სწორედ დღეს სწორს, ე. ი. გასულ შაბათს, „ქიმიკონში“ ჩავედი სადილის საქმელად. ის იყო კიბე ჩავათავე და მარცხნივ უნდა წავსულიყავი რესტორანში შესასვლელად, როდესაც უცებ, მარჯვენა მხრიდან, რაღაც უცნაური ხმა შემომესმა.

შეფრდი და ყურები დავცქვიტე. გარგა ხანს ვიდექი ასე სულ-გატრუნული და რაკი მაინც ვერ მივხვდი, რა უნდა ყოფილიყო ის უცნაური ხმა, მარჯვნივ გამოგებრუნდი და მწერალთა ოთახის კარი შევალე ფრთხილად, გაუბედავად. ნახევრად ბნელოდა გაუნათებელ ორ ოთახში, ის ხმა კი ახლა გარკვევით ისმოდა: ეს იყო ქალის გულ-ამოსკვნილი ქვითინი.

— ასი მკრან გულში მიჩივნიან მტირალი ქალის ცქერას!—გავიფიქრე მე, მინდოდა უკანვე გამოგებრუნებულიყავ, მაგრამ ცნობის მოყვარეობამ წამძლია და გაბედული ნაბიჯით შევედი შიგ.

მეორე ოთახის კუთხეში თვალი მოვკარი ვილკას სილუეტს. ჩემს შესვლისთანავე შეინძრა, წამოდგა და ქვითინიც შეწყდა. ახლა მხოლოდ თეშეკავებული სუნთქვა ისმოდა ძალით შეწყვეტილ ტირილის მავიერ.

ელექტრონი რომ ავანთე, თვალწინ საოცარი სურათი დამიდგა: ჩემ პირდაპირ იდგა ზესთაბუნებრივი სილამაზის ქალი, დაფნის გვირგვინით შუბლ-შემკული. ტანთ ეცვა მთლიანი უწყლო კაბა

უცნაური ქსოვილისა და საუცხოოდ დაწყობილ ნაოქებით ჩამოურბოდა ქვევით სარტყლიდან, რომელიც მკერდ ქვემოთ ჰქონდა შერტყმული.

ქალი შემკრთალის თვალებით მომჩერებოდა და იმ დიდრონ თვალეში აუწყრელი მწუხარება და სულიერი ტანჯვა გამოჰკრთოდა.

— ვინა ბრძანდებით?.. რა დავემართათ?—მივაძახე მე, გონს რომ მოვედი მოულოდნელ შთაბეჭდილებით გაშტერებული.

ქალმა არაფერი მიპასუხა და ისევ ისე მიყურებდა გულმოსაკლავის, მაგრამ უსაზღვროდ მშვენიერის თვალებით.

— მიბრძანეთ, რომ შემოვიყვანათ აქ? ვინა ბრძანდებით?—გავუთვალე მე.

ქალმა კიდევ არა მიპასუხა-რა, დაინახა, აიღო იქვე იატაკზე მდებარე ორი სალამური, ერთი ერთ ხელში დაიჭირა, მეორე—მეორეში და ქანდაკებასავით გაჩერდა თვალწარმატების მოხდენილობით:

— ღმერთო ჩემო! სად მინახავს ეს ქალი? ვინ არის?-ვფიქრობდი მე, რადგან დარწმუნებული ვიყავი, რომ სადღაც მენახა აი, სწორედ ამ პოზით, ამ სალამურებით და დაფნის გვირგვინით.

ალარაფერს ვამზობდი, ვუტკეროდი და ესტებებობდი მისი მშვენიერებით. არ ვიცი, რამდენ ხანს გაგრძელდა ჩვენი ღუმელი, მხოლოდ ესლა კი მან დაარღვია სიჩუმე და იმისი ხმა ისეთი იყო, როგორც უნდა აყოს ვარდის ან ზამზახის ხმა, ლაპარაკი რომ შეეძლოს.

— რამ შემოვიყვანათ აქ? მკითხა მან.

— თქვენი ტირილი მომესმა და შემოვედი,—ვუპასუხე მე.

— მე დიდი ხანია ვტირი, მაგრამ ჯერ არავის მოუტყევია ყურადღება, მწარეთ წარმოსთქვა მან და თვალეში ცრემლით ავესო.

— ეს იმიტომ, ბატონო, რომ არავის გაუგონია თქვენი ტირილი... მე პირველმა მოვკარი ყური...

— თქვენ ვგრე გგონიათ?—გამაწყვეტინა მან; არა გცოდნიათ... მე სულ აქ ვდგევარ და ვტირი... მწერალთა კვშირის საბჭოს კრების დროსაც აქა ვარ ხოლმე... მხედავენ, ესმისთ ჩემი ქვითინი, მაგრამ რა გამოვიდა? ყურსაც არ იბერტყავენ!

— ეს ყოველად შეუძლებელია!—წამოვიძახე მე.

— მართალს მოგახსენებთ!

— ვინა ბრძანდებით, ბატონო, და რამ მოგიყვანათ აქ?—ერთხელ კიდევ ვკითხე მე: სადღაც მინახავხართ კია, მაგრამ სადა და როდის, ველარ მოვიგონე.

— მე ვეტერპა გახლავართ!—მიპასუხა მან.

— როგორ?—ჩავეკითხე მე, რადგან კარგათ ვერ გავარჩიე მისი სახელი.

— ვეტერპა,—გარკვევით გაიმეორა მან.

— ვეტერპა... ვეტერპა...—რამდენჯერმე გავიმეორე მე და თუმცა კარგათ ვერ მოვიგონე, მაგრამ მახსოვდა კი, სადღაც გამეგონა ეს სახელი.

— დილ, ეტერა, ერთი ცხრათაგანი, პოე-  
ზიის მუზა!—

ეს რომ მიტხრა, მაშინვე თვალ წინ დამიდგა  
შორეული წარსული: საკლასო ოთახი. ბერძნულის  
მასწავლებელი, რომელსაც მოწაფეები „კვეეს“  
ვეძახოდით. ძველ კლასიკოს პოეტების თხზულებე-  
ბი, ცნობილ მანშტეინის გამოცემული და შიგ სუ-  
რათები. თითქოს ახლაც მესმოდა „კვეეს“ სიტ-  
ყვები:

— ზუზები სცხოვრობდენ პარნასზე, სვამდენ  
კასტალიის წყაროს წყალს, საიდანაც იძენდენ ზე-  
შთაგონებას და მომავლის განპერეტის ნიჭსა.  
ცხრა და იყო: კლიო, ეტერა...  
— და აი, ერთი ამ ცხრა დათაგანი პარნასის მაგი-  
ერ „ქიპერიონის“ სარდაფში იმყოფებოდა ამ წუთში,  
ჩემ წინაშე იდგა და მებაასებოდა!

ამაზე უფრო საკვირველი სასწაული განა კიდევ  
შესაძლო იყო?

— ღმერთო! ნუ თუ ეს დასაჯერებელია?—  
წამოვიძახე მე.

— როგორც ჰხედავთ!— მიპასუხა ეტერამ.

— მერე, რამ ჩამოგადოთ აქ, ჯერ ჩვენს  
ქვეყანაში და შემდეგ ამ სარდაფში?

— ეს გრძელი ამბავი გახლავთ...— ათრთოლე  
ბულის ხმით წარმოსთქვა მან და თვალები კვლავ  
კრემლით აევსო! რამ ჩამოგადო? სირცხვილმა...

ეტერამ ველარ შეიკავა თავი და ხელ ახლა  
გულმოსაკლავი ქვითინი დაიწყო.

როგორც იყო დავამშვიდე და სკამზე დავსვი. ეს  
მოულოდნელი და საოცარი ამბავი თან და თან  
უფრო საინტერესო ხდებოდა და მეც აღარ მოვეშვი  
მას, სანამ არ ვამბოძინე დაწვრილებით.

ეტერამ დამაკეტინა კარი და დაიწყო:

(გაგრძელება შემდეგ №-ში)

თავუნა.

### შექანჯალებულის ლექსები.

ნანი, ნანა, ნანი, ნინა...  
რალცამ ჰკეაში მირქინა...  
თლად გაგიდა ეს ქვეყანა...  
ნეტავ აქ რამ მოიყვანა  
მოსკოველი არტისტები,  
მე მას შემდეგ ვლეღავ, ვკვლები,  
ვიცი, გული გამოქცედა...  
ფხედავ, თავში ტვინი ტყდება...  
ნანი, ნანა, ნანი, ნინა...  
შამოძინდა ჩემი თინა,  
არც დღით, არც ღამით შაძინა,  
ხან ალერსით მომეფინა,  
ხან გაიბუტ-მოიწყინა,  
სთქვა; თეატრში მიდის ზინა,

ქეთო, კოტე, აგრაფინა,  
მთელი ხალხი, თლათ მიღეთი,  
უსათუოდ შენ ბილეთი  
ჩემთვისაც უნდა იშოვნო,  
და გული არ დამილონო,  
ნუ იცი გატეხა ხათრის,  
მოსკოვის მხატვრულ ტეატრის  
მსახიობთა გასტროლები,  
არ ვნახო, არ გებრალეები?  
ასე, სულის ორეულმა,  
თვალეზე კრემლ შორეულმა,  
სურვილებით განატაცმა,  
(ამ დროს კობტა და წარმტაცმა)  
ბილეთისთვის გამამგზავრა,  
დაივიწყა რაც იჯავრა,  
და მიეცა მას იმედო...  
მაგრამ რომ არ სწყალობს ბედი?  
ვის არ ვსთხოვე, არ მივმართე...  
ხელი ვერსად გავიმართე...  
ვიტყვი, ბევრგან კი წავაწყდი,  
(გამხელისთვის თუ არ წავაწყდი)  
ბილეთს კიდევ რალც ფრთხილად...  
მივედი და ვსთხოვე ტბილად...  
თუ გაქვს მზაო ჩემი ხათრი,  
გვიბოძეთ ამფითეატრი!  
— რამდენი გასურთ?— ორი ცალი!  
(მუხლმა დამიწყო კანკალი,  
ფასს მეტყოდა, ვიცოდი ძვირს,  
მოლოდინში ვიქმეტდი ცხვირს).  
— გვიბოძეთ სამი თასი!...  
უცებ მოთმინების თასი  
ამეგსო და შევეუკურთხე:  
თფუ, თქვენ!.. ვსთქვი და მივაფურთხე,  
და შინისკენ გამოვბრუნდი,  
ხელ კარიელი დავბრუნდი,  
თინას უთხარ: გეთავყანე,  
მწუხარება გადიტანე,  
გაყიდულა ბილეთები,  
ჩემს სიყვარულს გეფიცები.  
ერთიც არსად იშოვნება,  
(თავს ტყუილის მივეც ნება  
თქვენგან გამხელას არ ველი)  
თინას სწავდა სევედა მწველი,  
გაწყრა, ზურგი შემაქცია,  
ბევირ კრემლი დაქცია,  
ზოგი ღვარად, ზოგი ცვარად.  
(არც შეიძლება სხვა გვარად)  
ამ დროს მეც თავს ვემუქრები:  
ნეტავ, რატომ არ გავქრები,  
რომ არავინ თანამიგრძნობს,  
ვერვის ვიცნობ მსხვილს და საგრძნობს,  
ვინმემ ხელი გამიმართოს  
(ეს ხათა არ დამემართოს)

ვსთქვათ, კრება დამფუძნებელი  
 არის მეტად მიმზიდველი...  
 ბილეთს ჩე ამაოდ ველი,  
 აღარ მიმიწვდება ხელი...  
 ქვესტორი არ თანამიგრძნობს,  
 აღზად, კარგად რომ ვერ მიცნობს,  
 დამფუძნებელ კრების ცოლებს,  
 მათ დებს, მაზლებს, რძლებს ბიცოლებს  
 ბილეთებს სწრაფლ დაურიგებს  
 (საქმეს ასე გაარიგებს)...  
 არც სხვა მწყალობს; თუნდაც  
 ბევრთან მომივიდა შეხლა ეხლა  
 მოსკოველ არტისტთ გასტროლი  
 გახდა ჩვენთვის შემადრწოლი...  
 ავგიჯანუა დები, ცოლი...  
 თუ თეატრის კომისარი  
 გწყალობს, საქმე ქმავ ის არი.  
 ბილეთების შიში ნუ გაქვს...  
 ის ყოველთვის შენ დროზე გაქვს.  
 ანდა, ასეთ კრიზისის დროს,  
 სჯობს ემოყვრო სამინისტროს,  
 ის ბილეთებს გინაწილებს,  
 არასდროს არ გაგაწბილებს  
 ჰო, და მე და ჩემი თინა,  
 სწორედ ამან მოგვაწყინა...  
 ნანი, ნინა, ნანი, ნინა...  
 დავიქანცე... ჭკვა მეტკინა.

## II.

იხრი, მიხრი, იხრი, მიხრი,  
 თუ კი დამძლევ, ქედს რად მიხრი...  
 ხორცს გააქრობს ხორცის ნიხრი.  
 მტანჯავს ამის დარდი, ფიქრი,  
 ხორცი რომ არ იშოვნება,  
 ყასაბები გიყ-თავ-ნება...  
 ვერ მოხარა, ვერა, ნიხრმა...  
 და უხორცოდ დავქენი მე ყრმა.  
 ჩამოვხში... მწამს დავქლექდები.  
 ჰე, ყასაბნო, თუ მოვკვდები  
 ნახეთ მაინც, აბა ნახეთ...  
 თავს ვიკვებავ ისპანახით,  
 წიწმარტითა და ტარხუნით,  
 თვის ბოლოკით და დანდურით,  
 ვიცი, გულში კი მემდურით,  
 ძირს სუკები და ხაშლაშა.  
 (ჩემს ბიჭს უყვარს შექარლამა)  
 ძირს არტალა, ჩალაღაჯი!  
 ნაკლები გვაქვს ეხლა ხარჯი,  
 არ მოვკვდებით ჩვენ შიმშილით,  
 ხორცეულსა ვსცვლით მწვანელით.  
 პირს არ ვიბან ყოველ დილით,  
 მე კბილის ფხვნილს ვწვეწავ კბილით  
 კი ვერ მნახავთ შენაპულრსა

ფუტურისტო! შენა პულრსა  
 რატომ ხმარობ, რატომ იფრქვევ,  
 მე არც ეს მშურს და არც ისა...  
 მხოლოდ პულრი მაქვს ცარცისა  
 დავამზადე თქვენთვის კერძოთ,  
 მინდა ყველას რო გიკერძოთ,  
 ყველას გზვთებთ თქვენი წილი,  
 სახეზე რომ თეთრი ფქვილი  
 კობტადა გაქვთ შეფიფქული,  
 ვიშ, რა ეშხით მიძგერს გული,  
 სილამაზით ხართ შემკული...  
 ასე შეგნის პოეზიას.  
 არ ეტრფოდა პო აზიას?  
 ერთი ბიჭი დღეს ას იას  
 შესთავაზებს ალვისიას  
 აქ, რუსთაველის ქუჩაზე...  
 მალე ავალთ ალუჩაზე,  
 მალე იქნება, სულ მალე  
 მყავე და ქორფა ტყემალი,  
 ხორცი სულ არ დავგვირდება,  
 სიცოცხლე არ გავირდება.  
 არ აიქრობს ბაგარტია  
 დღეს ჩვენი დემოკრატია.  
 ჭკუა ასე გამეზარდა,  
 თავშიც აღარ დამეტია,  
 თქვენ გიბოძებთ, რაც მეტია...  
 შეიღჯერ ორი ცამეტია...

## II.

ბრეტის ბრეტი... მეტის მეტი...  
 ვის რა გინდა ამის მეტი...  
 სიცხემ დამიზნია რეტი...  
 ტვინში მარტყამს რალაც კეტი...  
 არც ნაკლები და არც მეტი...  
 უნდა გითხრა ქმავ, სეკრეტი:  
 გახსოვთ, გამოსცეს დეკრეტი,  
 (მო, შენ ყურთან დავიხრები,  
 მისმინე არ გიმასხრები)  
 მოგსპოთო ტკბილი ნამცხვრები;  
 პონჩიკ-ტრუბოჩკ-კულიჩ-ტორტი...  
 მას მერმე მკლავს ამის დარდი,  
 რომ ცულლუტი კანდიტერი,  
 ფქვილისა და შაქრის მტერი  
 თავის ძველ გზას უარს არ ყოფს  
 და ტკბილ ნამცხვრებს ისევ აცხობს.  
 ზოგი მორცხვად სდებს შუშებში.  
 (როცა დავდივარ ქუჩებში,  
 ნერწყვი მადგება ტუჩებში)  
 ზოგი მალავს, დახლს აფარებს,  
 შეხვალ, ჩუმთ შეგაპარებს,  
 დეკრეტი რჩება დეკრეტად...  
 ამას შენ გეტყვით სეკრეტად.

ყვავად იქცე, მეკი-გვრიტად...  
—ქრისტე აღსდგა!— ჭეშმარიტად!

IV

ალო, ბალო, ალო, ბალო,  
გაქრა სადღაც ხათაბალა.  
ხათაბალა კაცს შეემთხვას,  
მეც მსმენია ეს, შენც და სხვას,  
მაგრამ ვფიცავ მე ფუფალას,  
ხათაბალა ხათაბალას  
რომ რამე დროს შემთხვეოდეს,  
არ მსმენია არასოდეს  
სად წავიდა ხათაბალა?!  
იყო იგი ალა-ბალო!  
ეხლა მითხრეს: ხათაბალა  
არა, თლად კი არ გამქრალა,  
თურმე იმას შეილი აჰყვა,  
და იმის შობას გადაყვა,  
მაგრამ შეილი ეშვა ვაჟი,  
მისი მოყვრების რიერაჟი,  
არის ცელქი, მხიარული,  
თუმც კი უჭირს სიარული  
და ნამეტანს იგვიანებს...  
მაინც მოსწონს მისიანებს.  
და მონათლეს იგი ხელად—  
და უწოდეს მას სახელად.  
რაც წინაპარს ერქვა ძველად  
(სთქვეს, მას ჰგავსო უეჭველად)  
ჰო, უწოდეს მას „მათრახი“  
არაყის წილ იმათ რახნი  
გვიძღვნეს, თავი იმათრახეს,  
თვის ნაყოფის ნაცვლად რა ხეს  
სურს მოისხას სხვა ნაყოფი,  
იგი არის ავათყოფი,  
რახა, რუხი, რუხი, რახი  
ხათაბალამ შვა მათრახი  
მაგრამ ამას არვინ შიშობს,  
ვინ უწყს მათრახი რალასშობს.

შექანჯალეზული.

ქ ვ ო რ უ მ ი.

ნეტავი გამაგებინა, რომელმა ახირებულმა მე-  
ცნიერმა სთქვა: „ეძიებდეთ და ჰპოებდეთო“. ამას  
კი ვიტყვი გადაჭრითაც და კატეგორიულადაც,  
რომ ეს სიტყვები ჩვენი ღვთაებრივი სოლომონის  
ზაგეს არ ეკუთვნის. ის მისთვის, მეტი რომ არა  
ვსთქვათ, ერთობ მსუბუქია.

მართლაც, ამ სიტყვებში იოტის ოდენა სიმარ-  
თლე არ არის, თორემ ამდენი ძებნის შემდეგ ეს

ოხერი ქვორუმი ხელის გულზე მეყოლებოდა დას-  
მული. რამდენი ხანია მე მას დავეძებ და ვგრძნობ,  
რომ რაც მეტს დავეძებ, მით უფრო ვშორდები,  
მას.

სასიამოვნო მოვლენად ჩაითვლება მხოლოდ  
ერთი გარემოება. სახელდობრ ისა, რომ მეძებართა  
რიცხვი მატულობს, მე მარტო ობლათ აღარა ვარ,  
აღტაცებით წავიკითხე პატივცემული ქალაქის მო-  
ურავის მიმართვა თფილისის ხმონებისადმი. ბო-  
როტმოქმედებათ ჩამეფლებოდა ეს მოწოდება მე  
ჩემი მკითხველებისადმი დამეშალა. აი ისიც:

„თფილისის ქალაქის ხმონები! საფუთო გადა-  
სახადის საკითხი ქვორუმის უქონლობის გამო, ამ  
თვე ნახევრის განმავლობაში სამჯერ დასმული  
საბჭოს დღიურ წესრიგში, გადაუჭრელი დარჩა.  
ამის გამო ქალაქის სალარო ყოველდღიურათ  
10000 მანეთამდე ჰკარგავს და სხვა. (გაზეთი „ერ-  
თობა“).

თქვენ გეხსომებათ ჩემი წუთიერი გატაცება,  
როცა ქვორუმად ბ-ნი გრ. ვეშაპიძე მივიჩნიე. ჩემი  
შეცდომა სულ მალე გამაოშკარავდა და ყოველივე  
ეჭვს გარეშე გახდა, რომ ვეშაპიძე სრულიადაც არ  
იყო ქვორუმი.

დღეს ასეთივე გადაჭრით შეიძლება ითქვას რომ  
ქვორუმი არ არის არც პატივცემული მოურავი  
თფილისისა, ბ-ნი ბ. ჩხიკვიშვილი, ვინაიდან ისიც  
თურმე თვე ნახევრის განმავლობაში გაცხარებით  
ეძებს ქვორუმს, რომელსაც ქალაქის სალაროდან  
ყოველდღიურათ 10000 მანეთი გააქვს.

მე წინეთაც დარწმუნებული ვიყავი, რომ ეს  
ქვორუმი ჩვენი რესპუბლიკის დასასჯელად ჰყავდა  
მოვლენილი ქვეყნად ღმერთს, (სწორედ ისე, რო-  
გორც საბჭოთა რუსეთის ამოსაგდებათ მან მკბენა-  
რი გააჩინა) მაგრამ ვერცხდროს ვერ ვიფიქრებდი,  
თუ ქვორუმი ქურდი იქნებოდა. ეს ცნობა ჩემთვის  
სულ ახალი ცნობაა. დარწმუნებული ვარ თქვენ  
აღვილათ შეგიძლიათ წარმოიდგინოთ ის გულისწყ-  
რომა და აღშფოთება, რომელიც ამ საარაკო ცნო-  
ბამ ჩემში გამოიწვია.

დღეში 10000 მანეთი!

თუ არა ვცდები თვე ნახევარი თითქმის 45  
დღეს შეადგენს. ამგვარათ ამ ხნის განმავლობაში  
ქვორუმს ქალაქის სალაროდან გაუტანია ოთხ ნა-  
ხევარი მილიონი მანეთი.

მართალია, ოთხნახევარი მილიონი მანეთი თა-  
ვის თავად არაფერია, უბრალო გროშებია, მაგრამ  
საქმე თანხაში კი არ არის, არამედ პრინციპშია.  
ანდაზა აშკარათ ამბობს; „ნემსის ქურდი და აქლე-  
მის ქურდი ორივე ქურდიაო“ სრული ჭეშმარიტებაა!  
ამ ჩემს მოსაზრებას რაოდენათმე ზოურავის  
მოწოდებაც ჰფენს ნათელს.

მოწოდების ავტორს ბ-ნი ქვორუმი არა თუ

პატიოსან კაცად არ მიაჩნია, პირიქით იგი მას უსულო არსებათა რიცხვში შეუტანია და „ქვორუმის უქონლობაზე“ ლაპარაკობს.

როგორც ხედავთ, ქვორუმის ძიების საქმე ახალ მიმართულებას იღებს. მას სისხლის სამართლის საქმე ბრალდება და ცხადია, ბ-ნი ფაჩულია სათანადო ზომებს მიიღებს მისი ვინაობის გამოსარკვევად და აგრეთვე მის აღმოსაჩენად.

მე მაკვირვებს და მაშფოთებს აგრეთვე ჩვენი დემოკრატიის გულგრილობა.

კაცო, თუ ეს ქვორუმი საბოტაჟიკი არის, ქურდიც არის, ბალშევიკიც არის და ჩვენი დამოუკიდებლობის მოსისხლე მტერიც, რაღას ირჩევდენ

ყველა დაწესებულებებში ასეთ სახელ გატეხილსა და საეჭვო ადამიანს!

4<sup>1</sup>/<sub>2</sub> მილიონი თვე ნახევარში დაუკარგავს ქალაქის სალაროს; ვინ იცის რამდენი ზარალი მიაყენა დამფუძნებელ კრებას, ერობებს, ჯარსა და გვარდიას? მაგრამ წარსულს ვინ იღარდებდა, რომ მომავალში მაინც ვიყოთ მისი ბოროტ-მოქმედებისაგან დაზღვეული. ამ მხრივ კი სანუგეშო ნიშნებს ვერაფერს ვხედავ.

ერთად ერთი იმედი ბ-ნ ფაჩულიაზედ არის და ვნახოთ!

მორიელი.

## ს ა მ ი ქ ა ლ ი .

ბათუმს მიღის სამი ქალი და მზადება აქვთ ფიცხელი...

ერთმანეთს ეუბნებიან: „მოგიმართოს ღმერთმა ხელი. ნატანების „სტანციაზე“ ავაშოროს საზღვრის მცველი, რომ მშვიდობით გაიტანო ქათამი, თუ გოჭი, ყველი“. შენ რა გიჭირს ბენა, ქალო, ამ საქმეში აწ ხარ ძველი და მე თუ რამ გამიჭირდა, იმედი მაქვს, დავ, მიშველი. ქა! რას ამბობ, გენაცვალე, გაჭირვებას მოწყდეს წელი, იმას შენთან რა საქმე აქვს, არ გაგწირავს ღვთისმშობელი. შენ რომ ფიქრობ, იქ გატანა არც ესოდენ არის ძნელი, შენი ენა და სიტუარფე, გეტყვი, არის შენი მხსნელი! მაგრამ მაინც მაგ „შლაბაში“ ჩადე სამი-ოთხი ყველი, დიდია და სრული არის, იქ არ უშავს არაფელი. ამ კალათის გატანა კი ადვილია, თუ რომ მცველი ცოტა განზე გაიტყუე, შეაპარე თვალი მწველი. შენ კი უბეში ჩაიდე, წააფარე ბაბა თხელი, რომ უშნოდ არ აიბურცოს და არ იქმნეს შესამჩნელი. გარეგნობით თავს ვერ იქებ, არც ენა გაქვს ისე მკრელი, მაგრამ იცი კევა-გონებით ხერხი, ყველგან შესაფერი. — ვიცი ქალო! ხამი არ ვარ, ჩემგან გლახას ნურას ელი. რაც იქით აქვთ დავდივარ შესრულდება აგერ წელი; ან რა არის აქ სამნელო, თუ გივარგა ფეხი, ხელი, მხოლოდ ყველგან ოსტატურად დროზე უნდა გაბმა, ქსელი. ეხლაც ლხინი მანამდის გვაქვს, სანამ იქ ზის ინგლისელი, სანამ ყოველ წასვლისათვის „პროპუსკი“ გაქვს საშოვნელი; თორემ როცა იქ ჩვენები შევლენ დღე მოგვივა ბნელი... ეხლა დროს კი ნულარ ვკარგავთ, გავამზადოთ საქონელი — ბათუმს მიღის სამი ქალი, ფაცი-ფუცი აქვთ ფიცხელი. ერთმანეთს ეუბნებიან; „მოგიმართოს ღმერთმა ხელი. ნატანების „სტანციაზე“ ავაშოროს საზღვრის მცველი, რომ მშვიდობით გაიტანოთ ქათამი, თუ გოჭი, ყველი“.

ტუზი.

# ტ ა ქ ს ა.

„... კამეჩის ხორცი, -რის ოცდაათი!-  
კულში რომ ვდგევართ მთელი საათი?..

აი, აქ არის თურმე აგენტი,  
ნიხრის საბუთი და არგუმენტი;  
აღდგომის კვერცი თუ დაგვიძვირდა,  
სულაც არ შეგვხვდა, არ გავვიკვირდა,  
მაგრამ აქ ვხედავთ ვატეხას ნიხრის,  
სასწორიც მუდამ იქითკენ იხრის! —

- რათ არ იწებებთ რაიმე ზომას?
- შენ ფეხს აბიჯებ ნეიტრალ ზონას.
- არა ბატონო, ჩვენ გვინდა ტაქსა...
- ძალიან ჰკვიხარ შენ ავაზაკსა.
- რა ბრძანებაა, თქვენ სცდებით, სტყუით!

- შენ ხომ არ გინდა პორტფელის ყუით...?
- თქვენ, მოქალაქე, წამდვილათ გიქრის.
- ჩუ, შე თავხედო, ძმა ვარ მინისტრის და შენ მასწავლი რას ჰქვია ტაქსა?..
- ხალხი შეშინდა და დაიქსახსა...  
მარტო გოგია ვით მანე ტიპი,  
დაფიქრებული როგორც ედიპი,  
და მეამბოხე თვით ოქმის ძალით  
კომისარს მისცეს, გაჰყვა ჩანჩალოთ...  
ყასაბი ამბობს: ვინ ტუტუცია  
ეს დემოკრატი კონსტიტუცია!  
მინისტრის ძმაო!.. ვაა, მამაო,  
ჩვენთვის კეთილი, სხვისთვის ამაო...  
მადამ! — იფ, კუსოკ!.. თელეთსა ვფიცავ,  
აგენტზე კარგათ ტაქსასაც ვიცავ!

ვინტარი.

## Perpetuum mobile




..... და ამიერ კავკასიის რესპუბლიკათა კონფერენციაზე როგორც იყო, დიდის გაკირვებით, საქართველომ შეარიგა სომხეთი და აზერბეიჯანი.




შერიგებული პოლსა და ახმედა ტკბილის მუსაიფით წავიდნენ შინისაკენ და გზაშიერთმანეთის მზეს ჰფიცულაზდნენ.



— მშვილობით, ჩემო პოლოს! მე აქ შევალ, ჩემს ღუქანში!  
 უთხრა პოლოსას ახმედამ და ხელი მაგრათ ჩამოართვა.  
 — მშვილობით, ძვირფასო ახმედ! — მეც აი, აქვე მივდივარ, ჩემს სავაქროში, შენ პირდაპირ, —  
 უთხრა ახმედს პოლოსამ და ხელი მაგრათ ჩამოართვა.




პოლოსა და ახმედა არხეინათ დასხდნენ თავ-თავიანთ ღუქანში. ან კი რა ჰქონდათ საზრუნავი: ამიერიდან ისინი საუკუნო მგვობრები იყვნენ.



პოლოსას ძალი ჩიშმარიტა და ახმედს ძალი ალაბაზა ერთმანეთს მიუახლოვდნენ და ღრწა დაუწყეს: პოლოსამ და ახმედამ ყურები დაკვიტეს.





ჩიშმარიტა და ალაბაშა გააფთრებით ეცენ ერთმანერთს და დაუნდობელი ჩხუბი გააჩაღეს. პოლოსამ და ახმედამ ხელში კეტები აიღეს და გამოვიდნენ ძაღლების გასაზავებლად.


— რა ავი ყოფილა ეს შენი ძაღლი ახმედ-ჯან! — ეუბნებოდა პოლოსა ახმედას: რას ერჩოდა, ვგრე უმიზნოთ რომ ეცა ჩემ ჩიშმარიტას?

— შენ ვერ დაგინახავს, პოლოს-ჯან, — უპასუხა ახმედამ: პირველად შენი ძაღლი ეცა ჩემს ალაბაშას.

— როგორ თუ ჩემი? არა გრცხვენთან ტყუილისათვის? ეს ყველამ იცის, რომ შენმა დაიწყო, — გაჯავრდა პოლოსა.

— შენ კიდევ არ დაანებე თავი შენს ფლიდობას, პოლოს?

გაურისხდა ახმედა: ჩემი თვალით რომ არ მენახა, როგორ მიეპარა და უკბინა შენმა ჩიშმარიტამ ჩემს უღანაშაულო ალაბაშას, მართლაც დაგიჯერებდა ვინმე!



კამათმა და დავამ სხვა-გვარი ხასიათი მიიღო და პოლოსამ და ახმედამ კეტები ერთმანერთს დაუშინეს.

— თათრები დამესხენ! მკლავენ! — დაიპლაფლა პოლოსამ.

— სომხები მომიხდნენ! მომკლეს, — დადრიალა ახმედამ...



...და მეგობრები ერთმანეთს ყელში სწედენ დასახრჩობათ.




მდგომარეობა გართულდა. ყვირილზე მეზობლები მიცვივდნენ და ჩხუბში ჩაერივნენ; სომხები პოლსას გამოესარჩლენ, თათრები — ახმედას. მოჩხუბართა რიცხვი თანდათან მატულობდა.



საქმეში სამხედრო ძალოც ჩაერია და გაიმართა ომე-აზერბეიჯანსა და სომხეთს შორის. ყველ-

გან ხოცვა-ყლეტა და სისხლის ღვრა იყო. მთელი სოფლები და ქალაქები იკლიტებოდა, იწოდა და ინგრებოდა.

ერთად ერთი იმედი და გამოსავალი კონფერენცია იყო და საქართველოს წინადადებით კვლავ შეიკრიბა ამიერ კავკასიის რესპუბლიკათა კონფერენცია.



..... და კონფერენციაზე როგორც იყო, დიდის გაქირვებით, საქართველომ შეარიგა სომხეთი და აზერბეიჯანი.

### მ ა მ ე ბ ა რ ნ ი .

სურათი თფილისის ცხოვრებიდან I მოქმედებად.

მ ა მ ე ბ ა რ ნ ი :

- არტაშა — (სომეხი, ზეზე მოეპარე).
- გრიშა — (სტუდენტი).
- გოგილა — (ჩოხოსანი).
- სერგო — (ჩოხოსანი).
- კოლია — (ყოფილი აფიცერი).
- შალვა — (ევროპიულ ტანისამოსში, სტუდენტი).
- ლაღო — (ჩოხოსანი).

(სცენა წარმოადგენს რუსთაველის პროსპექტის შუა ადგილს—ლაღის წყლის სასმელ მაღაზიის წინა ტროტუარს. დიდის თეთმეტი საათია. აქ-იქ დგანან ახალგაზღვები ჯგუფ-ჯგუფად და კამათობენ, ოხუნჯობენ. შალვაც ერთ-ერთ ჯგუფის ახლო სდგას და ყურს უგდებს).

**გოგილა.** (დინახავს შალვას) სადა ხარ, კაცო? გუშინ აქ ოთხ საათამდე გიციდი! ძმაო, ასე არა გამოვა-რა...

**შალვა.** გუშინ, ღმერთს გეფიცები, ისეთი საქმე შემხვდა, რომ იმის დატოვება ყოველად შეუძლებელი იყო!... შენ რა ქენი?

**გოგილა.** მე კი არა, შენ რა ქენი? მიაქვს იმ კაცს, თუ არა?

**შალვა.** რა ვიცი, მოკვდი ლაპარაკით და მაინც არ გვიმატებს. ოთხი ათასი ძვირიოო... უკანასკნელი ფასიო!

**გოგილა.** ჰეე... უკანასკნელი ფასი. უკანასკნელი ფასი... კაცო ოთხზე ნაკლები რას გვიზამს? იმ სამინისტროს კაცს ხო მიაქვს სამი, ხუთასიც—იმას და ხუთასი მანეთი თუ ჩვენ ორმა არ დავიტოვეთ, სხვისთვის ხომ ვერ ვიშრომებთ?

**შალვა.** რა ვიცი... იმ ოხერმა შემაშინა; სამ ათას მანეთად, რამდენიც გინდა მოაქეთო, აქეთ მეხვეწებიანო... თუ დღესვე არ მოგრიგდით, მგონი ისიც დაგვეკარგოს!

**გოგილა.** ეხ, ძმაო, არ მუშაობ, არა! ასე რა გამოვა?

**შალვა.** გოგილ! თუ ძმა ხარ, ტყუილი არ იყოს! კიდევ იმ კვირია რო მოგვივიდა, ისე არ დაგვემართოს... ხომ არის ნამდვილი რაზრეშენიე?

**გოგილა.** ეხ, შენ დაიწყებ ახლა კიდევ... რო ვამბობ, მაშასადამე არის... შენ ეს შითხარი, დღესვე გავათავებთ ვითომ?

**შალვა.** აი, საცაა მოვა ის სომეხი... კაცო, მე კიდევ ის მაშინებს: ვაი თუ რაზრეშენიე კიდევ ..

**გოგილა.** კაცო, შენ რა გინდა? თუ გინდა ყალბი( ) იყოს საბაჟოში ხო იცი ზოსიმიჩიდან დაწყებული კასირამდე ჩვენი ხალხია, რაც მინდა იმას გავაშობიემ.

**შალვა.** რავე საბაჟო?

**გოგილა.** ტამოენა, კაცო ტამოენა!.. ვუჩიჩმებთ და მორჩა და გათავდა! აბა მე ერთი თუთხმეტი წუთით სამინისტროში შევირბენ, შენ აქ იყავი... უთვალთვალე, ეგები რამე გამოჩნდეს ახალი. სომეხი თუ მოვიდეს, უთხარი, ნოხის რაზრეშენიეს ოთხათას

მანეთზე ნაკლებ ვერსად ვერ იშოვი ტყუილად თქო. და ცოტა მოარჯულე, ჩაგონე...

**შალვა.** კარგი, მაგრამ სამინისტროში ახლა რა მიგარბენებს, საცა მოვა ის.

**გოგილა.** საქმე მაქვს! კონიაკის რაზრეშენიე ჰქონია ერთ კაცს ბათუმს გასატანად, მუშტარი მყავს და ბლომა ჩამოვრჩები, ნაღდი საქმეა. აბა მაშ ასე, через 10—15 минут я здѣсь! (წავიდა)

**შალვა.** Хорошо! (დასვირობს მარტო)

**ლალო და სერგო.** (ხელგაყრილინი მოსვირობენ, გაჩერდებიან ლალოძის შესავალ კარებთან)

**ლალო.** რა ქენი წუხელის კლუბში სერგო, წააგე?

**სერგო.** (დამშვიდებით) თვრამეტი ათასი!.. ჰე, კაცო ოთხმოც ათასამდე ვიყავი მოგებული და...

**ლალო.** ვერ ისწავლე, ვერ ისწავლე ქკუა სერგო ღმერთმანი! კაცო რა მოიგებ 10—20 ათას უნდა ადგე ხოლმე! მორჩა და გათავდა!..

**სერგო.** ეხ, ადგე, ადგე, უნდა ავდგე მაგრამ მე მინდა ბლომად ჩავილაგო, იმდენი რომ წამომადგეს რამეში... საკუთარი საქმე მინდა დავიწყო, თორემ მომკლა კაცო ამ სხვის საქმეებზე რბენა-ხეტილობა, ასში რა ერთი გამოვიდეს და გაკეთდეს დიდი ჩემო ლალო! გუშინწინ იყო მგონია, ჰო, გუშინწინ, ვდგეგარა აქ, მორბის ჩვენი ხოქოლაძე. „რა ამბავი?—არიქა სერგო, ათი ათასი ფუთი შაქარია გასაყიდი მუშტარი უნდა მოვებნოთო“. რასაკვირველია, ვეცით აქეთ იქით და ბოლოს შიგ ქალაქში რა ვერა გააწყვეთ-რა შეითან ბაზარში მოგკურცხლეთ! დიდი ვაი ვაგლახის შემდეგ ვილაკ თათარი ვიშოვეთ, სულ პარტიობით წაიღებდა, წამოვიყვანეთ თათარი, მივიყვანეთ იმ ხოქოლაძის ნაცნობთან, იმ ნაცნობმა თავის ნაცნობთან გაგვიყვანა დიდუბეში, დიდუბიდან მივადექით შაქრის „პატრონს“. უკანასკნელმა დაგვიწყო: შაქარი გვაქვსო, მაგრამ თქვენთვის ბევრი უთქვამთო, ათი ათასი არა და ხუთასი ფუთი კი შეგვიძლია მოვახერხოთო, მხოლოდ რისიკ ოთხი კაცი არტელშიკებია ქალაქთა კავშირის საწყობისა უნდა შევიამხანავოთო, თან ერთ წილს საწყობის კარზე მდგომი მცველიც წაიღებსო. ბოლოს რა ვიანგარიშე, თქვენმეტი იყო, ვარდა შოფერისა, რომელსაც უნდა წამოელო საქონელი... ასე რომ თუნდაც რომ გაკეთებულიყო ეს საქმე რა ხეირი იქნებოდა... რისკი დიდი და მოგება უმნიშვნელია სრულიად!.. მოვა ის კაცი, ხუთი ვაგონი შაქარიაო, მეორე დღეს სამიო, მესამეს ერთი და ბოლოს არაფერიც არ არი თურმე. ეჰ, ძმაო მოკვდი, გავთავდი ამდენი სირბილისაგან!

**ლალო.** სერგო იცი, დღეს გოგილა და შალვა ნოხის საქმეს არიგებენ თურმე... ხუთასი ფუთის რაზრეშენიე უშოვია ვილაკასთან...

**სერგო.** ხუთასი კი არა ათასი არ გინდა? უშოვინია?, ვის უშოვია კაცო? ღმერთი გამიწყრეს თუ

მაგათ ჯერ იცოდენ, ვის ხელშია ის რაზრეშენიე. მაგათამდე კიდევ შვიდი კაცი იქნება იქეთ-აქეთ... ის იმას ეტყოდა, ეს ამას და არის ერთი გადაცემ-გადმოცემა და თან წამატება გზა-და-გზა და ბოლოს კი ხახა მშრალი რჩება ყველა!

**ლალო.** სერგო, შენ ხომ იცი ასეთ საქმეებს ორი თვეა რაც მე თავი დევანებე-დავიფიცე, ხო გახსოვს, მაგრამ ერთხელ კიდევ უნდა გსინჯო? კაცო ამ დიღოთ ალიონზე ჩემი სახლიკაცი, ახლო მოყვარე, მომადგა სახლში, სიმიდი ჩამოუტანია სამი ვაგონი, ორსაც მოელის ამ ორ დღეში. უნდა არმენიაში გაიტანოს; ვერ მოვეუწყობთ რამეს?

**სერგო.** (სერიოზულად) რამდენი უნდა გაიტანოს?

**ლალო.** სულ თუ შევძლებთ-ხუთივე ვაგონი!

**სერგო.** (დაფიქრდება) გუშინ რა მცოდნოდა მოიცა! სიმიდი ხომ კარგია? სად აქვს?

**ლალო.** ტოვარი ვაგზალზე. აქ რა გაიყიდოს ხომ იცი, არაფერი სახეიროა, როგორც მისთვის, აგრეთვე ჩვენთვისაც და თუ ამას შენ მოაწყობ, მილიონების ანგარიშია, ძმაო, მილიონების!..

**სერგო.** აბა, წავალ, მგონი უნდა გავაკეთო, თუ არ გაწყრა ღმერთი... ერთ საათში მოვალ და აქ იყავი!

**ლალო.** კარგი, გენაცვალე! აბა შენ იცი სერგოჯან! (გაიარ-გამოიარს და თვალს მოავლებს შალვას) ჰო, შალვა! მომილოცავს, მომილოცავს!.. გავიგე, ნოხის საქმე უკვე გავითავებიათ, არა?

**შალვა.** ჰე, ჯერ სადაა?... ლალო, თხილის მუშტარი ხო არ გეგულება? ორი ათასი ფუთი აქვს ჩატანილი თურმე ზუგდიდის მოურავს, კარგი თხილიცაა და ფასიც არ არის ძვირი-триста пятьдесят-пудъ на мѣстѣ.

**ლალო.** ძვირია! მაინც გსინჯავ, გავიგებ!

**შალვა.** რავა, გყავს ვინმე?

**არტაშა** (ხანში შესული, ზეზე მოვაკრე სომეხი დაინახავს შალვას და უსაყვედურებს) ნუ, კაკ დელა, შალიკოჯან? კიდევ ხომ არ მომატყუილეთ?

**შალვა.** Нѣтъ дорогой, черезъ часъ все будетъ готово!

**არტაშა.** посмотримъ! ფასი იცოდე, აი, მე და ჩემმა ღმერთმა ახლა შემხვდა ერთი ნაცნობი, ტრი ტისინათ რამდენიც გინდა იმდენია ნოხის რაზრეშენიეო!


**შალვა.** (სხაბა-სხუბით) ის ბატონო не рудеть настоящим... ხომ იცით, როგორ ფრთხილად უნდა იყოთ, თორემ მოგაჩრებ ყალბს და მერე უყარეთ კაკალი.

**არტაშა.** არა ძიაჯან, ის კაცი ისეთ რამეებში ძალიან ასტაროქნია! სალიდნი ვინმეა ჩემმა მზემ, ის ტყუილს არ მეტყოდა!..

**შალვა.** ბატონო, თქვენ რა გინდათ? черезъ часъ все будетъ готово!

ფოთი

უცნაური ხუროთმოძღვრება



ქალაქ ფოთში, ყველა ეზოებში, ქუჩის პირას, საუკეთესო ადგილას მოთავსებულია პაწია სახლები, რომელთა ლაზათი და სისუფთავე ხუროთმოძღვრების საოცარ მინაღწევათ უნდა ჩაითვალოს.

დენიკინელთა გასტროლები



ფოთის ქუჩებზე ყოველ დღე იმართება ლტოლვილ დენიკინელთა წარმოდგენები რუსეთის ცხოვრების ბიდან.

დამფუძნებელი კრება.



**სერგო ჯორჯოლიანი.** დამფუძნებელი კრების ქვესტორი. ქართულ ფილარმონიულ საზოგადოების თავმჯდომარე. სახალხო უნივერსიტეტის თავმჯდომარე. პეტროგრადის მუშათა და ჯარისკაცთა საბჭოს თავმჯდომარე. ამერიკის კაცთმოყვარე საზოგადოების თავმჯდომარე. სიერთაშორისო წითელი ჯვრის საზოგადოების თავმჯდომარე. ჩინეთის მეაბრა-აშუმეთა სააქციო საზოგადოების „ბალ-ტუ-ნი“-ს თავმჯდომარე. სახელგანთქმული სარდალი. დაიჭრა ქალაქ თბილისში, ოზურგეთს რომ ოსმალთა ჯარი შემოესია. დაიჭრა აგრეთვე ჯვაროსანთა ომში...

**არტაშა.** კარგი, ერევანსკე ვიქნები, აი! (წავა)  
**შალვა.** კეთილი, мы туда явимся черезь пол часа!

**გოგილა.** (მეორე გვერდით გამოჩნდება. დაღლილობა ეტყობა).

**შალვა.** (განზე გაიყვანს გოგილოს) გოგლა, აი ახლა იყო აქ ის სომეხი აი, ეგერ მიღის... (უჩვენებს თითით) სამ ათას მანეთად რამდენი ფუთიც გინდათო მოგცემთო, ვილაც ნაცნობს შეყრია ამ დილით და თუ ჩქარა არ ვუშველეთ, იცოდე დაგვეკარგება...

**გოგილა.** წავიდეთ, წავიდეთ, საქმე მზათაა... დღეს ან ავშენდებით ან სულ დავიღუბებით! (გაღიან ორივე საჩქაროდ. ხალხი ამ ხნის განმავლობაში ბლომად შეყრილა, აქა-იქ დგანან ჯგუფ-ჯგუფად და ლაზღანდარობენ. გამოდის კოლოა-ყოფილი აფიცერი, ნიშანი კი აქვს გულზე სამხედრო სასწავლებლისა, შენიშნავენ კოლიას თუ არა ეგებებიან ათამდე კაცი, მათ შორის ლაღოც)

**ყველანი.** ჰო, კოლა, კოლია, კოლიუს!.. საიდან, როდის, როდის?

**კოლია.** (ხელს ართმევს ყველას) ჰე, რა როდის ძმაო, დავიხვრჩი კაცი იმ დასაქცევში!.. მოწყენილობა, კაცო მარა რა მოწყენილობა!.. მართლა ყველამ ჩვენებმა მოკითხვა დამამარეს...

**ლაღო.** სხვა, ქეიფის როგორაა? არის ძველბურად, ქუთაისურად?

**კოლია.** (ხელს ჩაიქნევს) საქმე არა გაქვს? სადაა ის მამაბაბური ღონი, სადილები, ვახშები? სიზმრადაა გადაქცეული, სიზმრად!... ჩემის აზრით მაინც ქუთაისში რომ მამდარი იყო, იმას სჯობია აქ, თფილისში მშეიერი დახეტიალობდე!

**ლაღო.** არც იქ გექნებოდა თუმცა თავსაყრელი!

**კოლია,** რატომ ძმაო? სახლი იქ მაქვს! და კარი, სადილი, ვახშამი და ჩაი ქე იყო და на папиросы МОГЪ ჩამეკომბინაციებია?

**ლაღო.** სანდრო რას შობა თუ ძმა ხარ, სანდრო, ჰა?

**კოლია.** სანდრო ლეჩხუმშია, ვერც კი მოეუსწარი! კომისრად თუ მის თანაშემწედ არის და ყველამდე თურმე ჩაფლული ფულეებში. ოცი ლდის წინად ოცდახუთი ათასი გამოუგზავნია სახლში.

**ყველანი.** ბიჭო, ბიჭო?.. ყოჩაღ, სანდრო!

**კოლა.** ხალხნო ნოხი ჩამოვიტანე სახლიდან, ნ არშინი სიგძე, ოთხიც სიგანე, ნამდვილი ტეკი-ნსკია, ფასი ხომ არ დაეცა? შინდა გაეყიდა!

**ლაღო.** რა დაეცა? დაეცა კი არა დღე დღეზე მატულობს! ფუთი ნოხის რაზრეშენიე ოთხ ათასამდე ავიდა და თვით ნოხის ფასი აბა რა იქნება?

**კოლა.** მადლობა ღმერთს! მაშ ხვალ ძაო ვყიდი ნახევარს ვხარჯავ სადილად. (ყველას გაეხარებდა)

**ლაღო.** ოფ! რას შემოვსძახებთ!

**არტაშა.** (გრძნობით) ხვალ ხვალა, მაგრამ დღეს კი რა ექნათ, ძმებო?

**კოლა.** დღეს, შე კაცო, ჯერ პირველი საათია, გამოიარს ვინმე და მოვდებთ! გუშინ ჩემთან მატარებელში ერთი ვაჭარი მოდიოდა, ძალიან დამეგობრდით! „კერენსკი“ ათას მანეთიანები მიჰქონდა ასიათასი მანეთისა გადასახურდავებოდა. უნდა გამოიაროს აქ და მაშინ დღევანდელი დღე ჩემმა კისერმა ზლოს!..

**გრიშა.** (ამოიხრებს) ჰებ, ძმაო, ვინ იცის ის შენი ვაჭარი დაიჭირეს კიდევაც!

**კოლა.** НИЧЕГО! რაზე იქნება!

**გრიშა.** (ცოტა იმედიანად) ღმერთმა ქნას! ვნახოთ!

**სერგო.** (ჩქარა მოდის და ლადოს ეძახის) ლადო, ლადო აქ მო! (შენიშნავს კოლას) ბიჭო? კოლია, როდის კაცო, როდის!

**კოლა.** წუხელის. რაფა ხარ, გენაცვალე?

**სერ.** ფეხით თუ ჩამოხველ, ჰა? მოიტა ერთი პაპროსი, პაპროსი!

**კოლა.** (იღებს პაპროსს, ყველანი გაუწვდიათ ხელს და იღებენ თითო-თითოს, სერგო კი სამს ამოღებს, ერთს პირში ჩაიდებს და თითო-თითოსაც ყურებზე გაიკვებებს)

**კოლა.** ეს რაამბავია, სერგოჯან, სამი მიგაქვს?

**სერ.** დაშვირდება! სად გეტებო მერე? (ყველანი იცინიან.)

**სერ.** (გაყავს განზე ლადო.) იცი, ლადო? სიმიდის გატანა დიდი გაჭირვება ყოფილა, უნდა „პრედვორიტენი ზაიავლენიე“ ჰქონდეს შეტანილიო და ისიც არმენიაში არავის აძლევენ გატანის ნებას უპროტექციოთ და უდავადარაბოთ, მაგრამ მიუხედავად ყველა ამისა, დამპირდა ერთი კაცი და ხვალ ორ საათამდე ყველაფერს შეგატყობინებთო!

**ლადო.** არიქა, სერგო! შენ იცი! თუ შენ მოინდომე, შე კაცო...

**სერ.** არაფერია!.. სიმიდის კი არა, დღეს ორ ნაცნობს იარაღის რაზრეშენიები ავუღე და სიმიდისას რაფა დამიჭერენ, რა ვიცი?!

**ლადო.** ვნახოთ! შენ იცი და შენმა კაცობამ!.. აბა, ხვალამდე...

**სერ.** დიახ, ხვალ აქ ორ საათზე ვიქნები...

**ლადო.** მოვალ, მოვალ, როგორ არ მოვალ კაცო? აბა ნახვამდის. (მიდის)

**სერ.** ნახვამდის, გამარჯობით!..

**სერგ.** (გადავა იმ ჯგუფისკენ, სადაც კოლა დგას და გაცხარებულნი ოხუნჯობენ) ყმაწვილებო! ხო ხედავთ, მოიდრუბლა, წვიმა წამოვა, თავს უშველეთ თორემ...

**კოლა.** შე კაცო, აგერ ტრამვაია, ჩავსდებით და იალა!..

**სერ.** ტრამვაია ბიძია ნისიით ხომ არ წაგიყვანთ და... (ყველანი იცინიან)

**კოლა.** არც ისეა საქე, შენც არ მომიკვდე... თუ გინდა, ყველას ავტომობილებით წაგიყვანთ სახლებში.

**სერ.** რა გიჭირს, ბიძია, რა?.. მამაშენს ორიგ ფეხებზე ერთი ქალამანი ეცვა და შენ ავტომობილებით... (სიცილი)

**კოლა.** სერგოჯან! ხვალ სადილოდ ჩემთან ხარ იკოდე, აი ნობი ჩამოვიტანე ტუკენსკი, ვყიდი და ნახევარს ეხარჯავ ხვალ!

**სერ.** მაშ დღეს მე დავხარჯო, არა? არა, ძმაო, ვერ მომდებთ, ვერა!..

**კოლა.** მართალს გეუბნები, შენ ნუ მომიკვდე!

**სერ.** არ მინდა ძმაო, არა!.. ამ საღამოს ბათუმს მივდივარ... კუკოლიკსმა დამიბარა, „პოლიტიკური“ საქმეა ერთი...

**ყველანი.** რა საქმე, კაცო მართალს ამბობ?

**სერ.** მაშ? „სოლიდნი“ უნდა გავიტანო სანახევროდ... (ზოგიერთს ეცინება)

**გრიშა.** (უცხად) მართლა ხალხო, თამბაქოს რაზრეშენია აქვს ერთ კაცს, ეგები მუშტარი გეგულეობდით?

**სერგო.** (სერიოზულად) ლისტოვოის?

**გრიშა.** არა, на „СОЛИДНЫХ НА 2 ТИСЯЧИ КАРБОК! მაგრამ ძალიან ძვირს აფასებს და არ ვიცი...

**სერ.** მაშ უთახარი „კომისიონნი“ მალაზიის ვისტავკაზე დასდები და უცხად გაიყიდება თქო! (იცინიან)

**კოლია.** მეგობრებო, დღევანდელ დღეზე ვიფიქროთ! მესამე საათი დიწყო და ჩვენ კი აქ ლაპარაკში გავერთეთ!

**სერ.** ჰო, ჰო, არ დიშალოთ, თორემ ვერ მოგტყვებით!.. (საჩქაროდ წავა. ყველანი იცინიან.)

**კოლა.** (სიხუმე ჩამოვარდება. ზოგი „ალავერდის „მატივზე“ სტვენს ზოგი თავჩაღუნული მისჩერებია ყველა გამვლელ-გამომვლელს, რომელიც თან და თან კლებულობს ქუჩაზე.) ГОСПОДА, СКОРО ТРИ!..

**გრიშა.** ჰუ, რა კარგია ახლა კახური?..

**კოლა.** ღვინო თუ მრავალყამიერი კახური?

**გრიშა.** ცალკე, არც ერთი არ მინდა! ორივე ერთად!.. ხო-ხო-ხო!..

**კოლა.** ჰე, ჯანდაბას თქვენი თავი!.. წამოდით, წამოდით!.. ბინაში ცოტა ჩურჩხელა, მქადი და შემწვარი ქათამი მაქვს, დეღამ გამოაბატანა, ღვინოც არის ცოტა, ბატარა ტიკპორით, თუ გვეყოფა!..

**ყველანი.** (გაუხარდება ყველას. ზოგი „ცე-დურს“ შემოსძახებს კრინად, ზოგიც თამაშ-თამაშით გაჰყვებიან კოლას, წინ მიუძღვის)

**შალვა და გოგილა** (გამოჩნდებიან დაღონებულნი. შეჩერდებიან და ერთმანეთს გარდახედავენ უყმაყოფილონი)

**გოგილა.** НѢТЬ, НЕ ВЕЗЕТЬ НЕ ВЕЗЕТЬ!..

**შალვა.** (ცოტა იმედიანად არი) НИЧЕГО! СРАЗУ НИКОГДА НИКОМУ НЕ ПОВЕЗЕТЬ!

**გოგილა.** რა სრაზუ, ძმაო? ამდენი ხეტიალი, სირბილი და თავის მტვრევა და მაინც არაფერი!..

**შალვა.** ყველაფერი გამოსწორდება!.. აი, წელან კაცი რო შეშხდა, ნათესავი ჩემი... დამპირდა ერთ კვირაში მომარიგების სამინისტროში გიშოვი ადგილსო! მაშინ მიყურე მე შენ!.. სულ ტყავს გაძრობ... ჯაერს ვიყრი!..

**გოგლა.** რას ამბობ, მართლა?

**შალვა.** მართლა, მას?

**გოგ.** (გახარებული) ჰო, ჰო, ჰო, რა ამბავი გვექნება, რა ამბავი გვექნება? შე ოხერო, რატომ მაშინვე არ მითხარი? წარმოვიდგინო შენ შიგ სამინისტროში მე კი გარედი!.. დედა, დედაა... რამბავი იქნება... რა მუშაობა გვექნება?... შენ შიგნით, მე გარეთ, მე გარეთ, შენ შიგნით... ჰუ, ჰუ, ჰუ, რა მუშტრებს მოგიყვან?

**შალვა.** (ამყალ) შენ მე მაცალე, კაცი არ ვიქნები, если через двѣ недѣли два дома не буду имѣть въ районѣ головинскаго!..

**გოგ.** მეც შალვაჯან, ნუ თუ ერთ სახლს მე ვერ ვიყიდი?

**შალვა.** ნუ გეშინია, რასაც ვიშოვი, უშენოთ ხომ არაფერი იქნება.. შენ იქნები ჩემი აგენტი, მარტო შენ..

**გოგ.** ყველაფერი კარგი, მაგრამ როდის მოხდება ეს სასწაული?

**შალვა.** ჩაქარა, ერთ კვირაში!.. (პაუზა) გოგლა სამსახური სამსახურია, მაგრამ сегодня намъ обѣдать-же нужно!

**გოგ.** და! вотъ вопросъ! (გაიხედავს პირდაპირ) ეს. ვინ მოდიან? მეონი ამით ვიცნობ მოვლოთ ეგების!..

**შალვა.** (გაიხედავს პირდაპირ) ჰეე, ძმაო „მო. დება“ მაგათი მოგონილია, მსახიობებია კაცო, ვერ ხედავ? ესენი აქეთ მოგდებენ ძმაო!..

**გოგ.** წავიდეთ, წავიდეთ შალვა! უფულო და მომდებნი სხვა კი არა, ჩემი თავიც მეზარება. (ჩქარა გარბიან). ვერე.

საბჭოთა რუსეთის ღმერთი.

